

Bosna i Hercegovina
Federacija BiH
Kanton Sarajevo
Skupština Kantona Sarajevo

n/p gđa Ana Babić, predsjedavajuća


ZASTUPNIČKO PITANJE

Na 19. Radnoj sjednici Skupštine Kantona Sarajevo, zakazanoj za 07.09.2016. godine, osvrnuću se na odgovor koji sam dobila od Ministarstva zdravstva Kantona Sarajevo na moje zastupničko pitanje na kojem insistiram vec par mjeseci, a tiče se problema stomatoloških usluga za osobe sa težim invaliditetom, prvenstveno za djecu sa posebnim potrebama. S obzirom da na ovom problemu insistiram jos od mjeseca marta, bez ikakvih konkretno poduzetih aktivnosti od strane nadležnih institucija, a da je istu inicijativu na prethodnoj sjednici pokrenuo kolega iz vladajuće koalicije, nadam se da će se konačno pristupiti iznalaženju konkretnih rješenja. Naposljeku, nije važno čija se inicijativa izvrši, važno je da konačno ova populacija dobije adekvatnu uslugu.

Naime, u svakom odgovoru koji sam dobila od resornog ministarstva se navodi da je osnovni problem nedostatak stručnog kadra – specijaliste za anesteziju i reanimaciju. Stomatološki fakultet u svojim obraćanjima resornom ministarstvu navodi da raspolaže potrebnim prostorom i opremom, i da je jedino neophodna saglasnost Ministarstva za popunjavanje vec sistematizovanih radnih mjesta. Međutim, Ministarstvo zdravstva vidi rješenje problema u raspisivanju javnog poziva svim zdravstvenim ustanovama koje obavljaju navedenu djelatnost i koje su spremne pružati usluge osobama sa težim invaliditetom. Ovim putem molim za obrazloženje – da li je racionalnije, brže i efikasnije dati saglasnost za upošljavanje anesteziologa na Stomatološkoj klinici, koja raspolaže potrebnom opremom, ili raspisivati tendere za privatne klinike koje će se baviti ovom problematikom?

Sarajevo, 07.09.2016.

Zastupnica u Skupštini Kantona Sarajevo


Neira Dizdarević